

SARS yi amukela xiboho xa Khotokulu mayelana na BPSA

Musumbhunuko 4 Nyenyankulu 2024 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u amukerile xiboho xa Khotokulu, lexi bakanyelege etlhelohlo xikombelo xoh aphila hi British Petroleum of South Africa (BPSA) ku xopaxopa xiboho xa Khomixinara xoh ala swikoxo swa yona swa vuyiselomali na ndzahlekelo wa levhi ehansi ka Nawu wa Ntlakuso wa Vulawuri bya Vululami (PAJA).

Eka mhaka yoh fana, Khotokulu yi tlhela yi langutisisa eka nxopaxopo wa ntengo wa BPSA wa xiboho xoh ya emahlweni xa Khomixinara, lexi tekiweke hi ku ya hi xiyenge xa 88(2)(a)(i) xa Nawu wa Khasitomo na Ekisayizi (Nawu wa 91 wa 1964), ku ya eka hakelo ya levhi ematshan'wini ya ndzahlekelo wa mafurha lama ehleketeriweke ku va ma rhumeriwe ematikweni mambe.

BPSA yi phikisanile leswaku Khotokulu a yi fanele yi langutisisile aphili mayelana na nkumisiso wa Khasitomo wa Khomixinara ku katsa na ntengo. Khotokulu yi arile xikombelo lexi eka tshaku ra leswaku a ku nga ri na nkwetlembetano wa timhaka mayelana na timhaka ta nkumisiso wa Khasitomo kambe ku nga ri hi ndzahlekelo ntsena.

Xiboho xa Khotokulu xa vhiki leri nga hundza hi Ravumune, i humeleriso eka xiavanyiso xa sweswinyana xa ti 12 Sunguti 2024 laha yi bakanyelege etlhelohlo aphili ya BPSA ehansi ka xiyenge xa 47(9)(e) xa Nawu wa Khasitomo na Ekisayizi ehenhla ka mikumisiso leyi endlweke ehansi ka Nawu hi Khomixinara.

Mikumisiso yaleyo yi ve leswaku BPSA a yi ringanelangi mivuyiselomali ya muxakaxibalo leyi hakeriweke eka mafurha lama BPSA yi vulaka leswaku ma rhumeriwile eZimbabwe. Leswi swi tano hikuva BPSA yi nge koti ku mbhonyela leswaku mafurha ma rhumeriwile eZimbabwe, kumbe yi nga koti ku boxa muamukeri loyi a amukelege rhumelo wa leswi rhumeriweke eZimbabwe.

Khomixinara Kieswetter u humeserile ehandle ku eneriseka ka yena leswaku khotoh yi nyikile ntiyisiso wa swa xinawu wa leswaku SARS yi fanele yi tirhana na swixaviselavambe swa swipuku. U vurile: "SARS yi fanele yi tirhana na xihumelelo xa swixaviselavambe swa swipuku na tihakelo leti fambisanaka eka nkwama, leswi fikiseke eka nkayivelo wa mivuyiselomali". SARS yi le ku tirheni hi matimba ku pfuneta vahakelaxibalo ku fikelela swiboho swa vona swa xibalo no fambisa vuxavisi. Hambiswiritano, yi ta endla swi nonoha no durha eka vahakelaxibalo lava tinghenelerisaka eka endlelo ra nkavulandzelelanawu. "Leswi swi ta endlwa handle ka nchavo, tintswalo kumbe ringhohe," u hetisile.

Ku kuma voxokoxoko hi xitalo, u komberiwa ku tihlanganisa na SARSMedia@sars.gov.za